

5
gesetzt vnd gelet / vnd der süßen gethön / nit geacht / oberhört / vñ gätz wider art der seittē dāgē
geschriben / Lieber sonter fleis an / besich das / fiert / sechst / siebent / acht / io . ii . j . j . 8 . 19 . 20 . 22 . 23 . 26
27 . 28 . vnd das . 29 . Tempus / mir ist gesagt der selben iglichs / Sey gätz onartlich / onkünstlich
vnd corrupt / Erwan in ein ein zeiffer vnd ein buchstab zweimol vff einen Chor gesetzt / als . o
4 . o in dem fierden tempus / wo nu dem also / magstu vnd ein ieder mercken / das er des so er sich
vßgeben ander züleren / selbs gantz ongeleret vnd onuerstēdig dweil solichs zü greiffen vnmög
lich / vnd zü hören die oren der verstendigē nit fült / der gleichē sein alle obgemeltē tempora brest
hafftig onformig / onkünstlich / onmüglich zü greiffen / dissonirn / discordirn / vnd ist lautter
pletzwerck / das furwar in einem solichē kurtzen liedlein / einem der sich vber and künstner erhe
ben vnd ichts sunders zümachen außgibt meister zü sein (des er sich gantz nit schemen solt noch
in die schul zü geen vnd lernen) zü grob vber gockt / vber gambt / vnd vbersehen / vnd zünil kün
disch vñ onkünstlich gemacht. Ich bitt dich bei deinem lob / das zü hertzē züfassen / vñ nit so fre
uel in deinem fürnemen zü werden / vnd dich ichts außgeben ander leut zü leren / das du noch
nit gelernt hast / nit glaub deinem fürnemē / vertrau deiner eigē vernunfft allein nit zünil / ver
acht niemant so bleibstu auch vnueracht / Ferrers hab vffmerckens in dem lidlin / das gedach
ter her Bastian vff die orgel tabulirt hat / sündertlich des zehenden / zwolfften vñ achtzehenden
tempus / des gleichen der beschreibung des lautenfragens vnd des clauirs der orgeln / wirstu
es auch als ich bericht gantz onmeisterlich vnd onartlich angeben (vnd mit seinem lernen vnd
trucken / mer die zeit verderbt / dan nütz geschafft) befinden / vñ die weil sein onkünstlich onart
lich wergē so gar am tag vnd offenbar ist / das es ein ieder wenig verstant der musick / vnd
art der instrument / selbs erkennē mag / wil ich dich damit nit ferrer vff halten / wo aber du her
bastian oder iemant anderer an oben angezeigtem zweifelt vnd nit verstündē / wie douō ge
ret wil ich vff des selben bit wes ich gesagt gern zeigen vnd vnderrichtē / onangesehē her Basti
ans schupffiren nochreden vnd trucken / sündertlich in dem do er mit den tittel in meinem orgel
buchlin verfert vnd züm schmelichsten außlegt / den ich dānocht dermos nit / sunder ander also